

四庫全書

子部

欽定四庫全書

子部

證類本草卷三十

詳校官太醫院吏目周世泰

編修臣倉聖脈覆勘

總校官編修臣王燕緒

校對官編修臣初彭齡

謄錄監生臣顧瑞桐

欽定四庫全書

證類本草卷三十

本草圖經外草類總七十五種

宋 唐慎微 撰

水英

麗春草

坐擘草

紫堇

杏葉草

水甘草

地柏

紫背龍牙

攀倒甌

佛甲草

百乳草

撮石合草

石莧

百兩金

小青

曲節草

獨脚仙

露筋草

紅茂草

見腫消

半天回

剪刀草

龍牙草

苦芥子

野蘭根

都管草

小兒羣

菩薩草

仙人掌

千里光

九牛草

刺虎

無心草

紫背金盤

石逍遙

胡堇草

生瓜草

建水草

紫袍

老鴉眼睛草

天花粉

瓊田草

石垂

紫金牛

雞項草

拳參

根子

杏參

赤孫施

田母草

織線草

天壽根

百藥祖

黃寮即

催風使

陰地厥

千里急

地芙蓉

黃花子

布里草

香麻

半邊山

火灰母草

亞麻子

田麻

鵝鳥威

茆質汗

地蜈蚣

地茄子

水麻

金燈

石蒜

尋麻

山薑

馬腸根

本草圖經本經外木蔓類二十五種

大木皮

崖椶

驚抱

雞翁藤

紫金藤

獨用藤

爪藤

金稜藤

野豬尾

烈節

杜堊山

血藤

土紅山

百稜藤

祁婆藤

含春藤

清風藤

七星草

石南藤

石合草

馬節脚

芥心草

棠毬子

醋林子

天仙藤

有名未用總一百九十四種

二十六種玉石類

青玉

白玉髓

玉英

璧玉

合玉石

紫石華

白石華

黑石華

黃石華

厲石華

石肺

石肝

石脾

石腎

封石

陵石

碧石青

遂石

白肌石

龍石膏

五羽石

石流青

石流赤

石耆

紫加石

終石

一百二十三種草木類

玉伯

文石

曼諸

山慈石

石濡

石芸

石劇

路石

曠石

敗石

越砥

音音

金莖

夏臺

柴紫

鬼目

鬼蓋

馬顛

馬唐

馬逢

牛舌

羊乳

羊實

犀洛

鹿良

菟棗

雀梅

雀翹

雞涅

相鳥

鼠耳

蛇舌

龍常草

離樓草

神護草

黃護草

吳唐草

天雄草

雀醫草

木甘草

益決草

九熟草

允草

酸草

異草

灌草

訛音起草

葦草

勒草

莫草華

吳葵華

封華

隄他典切華

排華

節華

徐李

新雉木

合新木

俳蒲木

遂陽木

學木核

木核

華子根附

枸

音核荀

荻皮

桑莖實

滿陰實

可聚實

讓實

蕙實

青雌

白背

白女腸

赤女腸附

白扇根

白給

白并

白辛

白昌

赤舉

赤涅

黃林

徐黃

黃白支

紫藍

紫給

天蓼

地朕

地苓

地筋

地耳

土齒

燕齒

酸惡

酸赭

巴棘

巴朱

蜀格

纍根

苗根

參果根

黃辨

良達

對廬

冀藍

委

威音蛇貽音

麻伯

王明

類鼻

師絲

逐折

并苦

父陞根

索干

荆莖

鬼麗麗音

竹付

祕惡

唐夷

知杖

坐音松地

河煎

區余

三葉

五母麻

疥柏腹

常吏之生

救赦人者

丁公寄

城裏赤柱

城東腐木

芥

載

慶

腓
戶瓦切

一十五種蟲類

雄黃蟲

天社蟲

桑蠹蟲

石蠹蟲

行夜

蝸籬

麋魚

丹戩

扁前

蚘類

蜚厲

梗雞

益符

地防

黃蟲

唐本退二十種

六種神農本草經一
十四種名醫別錄

薰草

姑合

別羈

牡蒿

石下長卿

麋

俱倫切

舌

練石草

戈共

葷

譚音草

五色符

藁

襄音草

翹根

鼠姑

舩虹

屈草

赤赫

淮木

占斯

嬰

櫻音桃

鳩

直陰切

鳥毛

今新退一種

神農本草經

彼子

本草圖經本經外草類總七十五種

水 英



圖經曰

水英味苦性寒無毒元生永陽池澤及河海邊臨汝人呼為牛蒡草河比信都人名水節河內

連內黃呼為水棘劍南遂寧等郡名龍移草蜀郡人採其花合面藥准南諸郡名海荏領南亦有土地无宜莖葉肥大名海精木亦名魚津草所在皆有單服之療膝痛等其方云水英主丈夫婦人無故兩脚腫滿連膝脛中痛屈伸急強者名骨風其疾不宜針刺及灸亦不宜服藥惟單煮此藥浸之不經五日即差數用神驗其藥春取苗夏採莖葉及花秋冬用根患前病者每日取五六斤以水一石煮取三斗及熱浸脚兼淋膝上日夜三

四頻日用之以差為度若腫甚者即於前方加生椒目三升加水二大斗依前煮取汁將淋瘡腫隨湯消即摩粉避風乃良忌油膩蒜生菜豬魚肉等

麗春草



圖經曰

麗春草味甘微溫無毒出犢嶋山川谷檀嶋山在高密界河南淮陽郡潁川及譙郡汝南郡等

並呼為龍羊草河北近山鄴郡沒郡名襄蘭艾上黨紫團山亦有名定參草亦名仙女蒿今所在有甚療瘡黃人莫能知唐天寶中因潁川郡楊正進名醫嘗用有效單服之主療黃疸等其方云麗春草療因時患傷熱變成瘡黃遍身壯熱小便黃赤眼如金色面又青黑心頭氣痛遶心如刺頭旋欲倒煎魚腸下有瘕氣及黃疸等經用有驗其藥春三月採花陰乾有前病者取花一升禱為散每平明空腹取二方寸匕和生麻油一盞頓服之日惟一服隔五日再進以知為度其根療黃疸患黃疸者擣根取汁一盞空腹頓服之腹訖須臾即利三兩行其疾立已一劑不能全愈隔七日更一劑永差忌酒麵猪魚肉粉酪等

吉州坐拏草



圖經曰

坐拿草生江西及滁州六月開紫花結實採其苗為藥上人用治打撲所傷兼壯筋骨治風痺

江西北甚易得後因人用之有効今頗貴重神醫普救治風方中已有用者

紫 堇




圖經曰

紫堇味酸微溫無毒元生江南吳興郡淮南名

水菑菜惟出江淮南單服之療大小人脫肛等其方云
紫堇草主大小人脫肛每天冷及啾冷食即暴痢不止
肛則下脫久療不差者春間收紫堇花二斤暴乾搗為
散加磁末七兩相和研令細塗肛上內既入內了即
使人喫冷水於面上即及入腸中每日一塗藥喫面不
過六七度即差又以熱酒半升和散一方寸寸空腹服
之日再漸加至二方寸七以差為度若五歲已下小兒
即以半杏子許散和酒令服之亦佳忌生冷陳倉米等

常 州 杏 葉 草



欽定四庫全書

商書卷之三


十五

圖經曰

杏葉草生常州味酸無毒主腸痔下血久不差者一名金盞草蔓生籬下葉葉相對秋後有子

如雞頭實其中變生一小蟲子脫而能行中夏採花用

筠州水草甘草



圖經曰

水非草生筠州味甘無毒治小兒風熱丹毒瘡與甘草同煎飲服春生苗莖青色葉如楊柳多

生水際無花十月八月採彼土人多單服不入衆藥

河中府地柏




圖經曰

地柏土蜀中山谷河中府亦有之根黃狀如絲莖細上有黃點子無花葉三月生長四五寸許

四月採暴乾用蜀中九月藥市多有貨之主藏毒下血神速其方與黃耆等分末之米飲服二錢蜀人甚神此

方謀有放也

永康軍紫背龍牙




圖經曰

紫背龍牙生蜀中味辛甘無毒彼土山野人云解一切蛇果甚妙兼治咽喉中痛含燕之便放

其藥冬夏長生採無時

宜州攀倒甌



欽定四庫全書

卷三十

圖經曰 攀倒甌生宜州郊野味苦性寒主解利風壅熱
盛煩渴汗燥春夏採葉研搗冷水浸絞汁服之

甚效其莖葉如薄荷一
名接骨草一名斑秋莖

筠州佛甲草



圖經曰

佛甲草生筠州味甘寒微毒爛研如膏以貼湯火瘡毒多附石向陽而生有似馬齒莧細小而

長有花黃色不結實四季皆有採無時彼土人多用

秦州百乳草




圖經曰

百乳草生河中府秦州劍州根黃白色形如瓦
松莖葉俱青有如松葉無花三月生苗四月長

及五六寸許四時採其根晒乾用下乳
亦通順血脈調氣甚佳亦謂之百藥草

眉州撮石合草



圖經曰

撮石合草生眉州米田中苗莖高二尺以來葉似穀葉十二月萌芽生苗一月有花不結實其

苗味甘無毒二月採之
彼土人用療金瘡甚佳

药州石菟



圖經曰

石莧生筠州多附河岸沙石上生味辛苦有小毒春生苗葉莖青高一尺已來葉如水柳而短

八月九月採彼土人與甘草同服齕及吐風延

戎州百兩金



圖經曰

百兩金生戎州雲安軍河中府味苦性平無毒
葉似荔枝初生背面俱青結花實後背紫面青

苗高二三尺有幹如木陵冬不周初及開花青碧色結
實如豆大生青熟亦根入藥採無時用之搥去心治墮
熱咽喉種痛含一寸許燕津河中出者根赤色如蔓菁
莖細青色四月間開黃花似星宿花五月採根長及一
寸曬乾用

治風延

福州小青



圖經曰小青生福州三月生花當月採葉彼
土人以其葉生搗碎治癰瘡甚效

筠州曲節草




圖經曰

曲節草生筠州味甘平無毒苗發背瘡消癰腫拔毒四月生苗莖方色青有節七月八月著花

似薄荷結子無用葉似劉寄奴而青軟一名蛇籃一名綠豆青一名六月冷五月六月採莖葉陰乾與甘草作末

米汁調服

福州獨脚草



圖經曰

獨脚仙生福州山林傍陰泉處多有之春生苗

至秋冬而葉落其葉圓上青下紫其脚長三四

寸夏採根葉連梗焙乾為末
治婦人血塊酒煎半錢服之

施州露筋草




圖經曰

露筋草生施州株高三尺已來春生苗隨即開花結子四時不凋其子碧綠色味辛澁性涼無

毒不拘時採其根洗淨焙乾搗羅為末用白礬水調貼蜘蛛并蜈蚣咬傷瘡

施州紅茂草



圖經曰

紅茂草生施州又名地沒藥又名長生草四季
枝葉繁盛故有長生之名大涼味苦春採根葉

焙乾搗羅為末冷
水調貼癰疽瘡腫

消腫見州筠




圖經曰

見腫消生筠州味酸澁有微毒治狗咬瘡消癰

青紫赤色採無時土人

多以生苗葉爛搗貼瘡

施州半天回



圖經曰

半天回生施州春生苗高二尺已來赤斑色至冬苗葉皆枯其根味苦澀性溫無毒土人夏月

採之與雞翁藤野蘭根崖梭等四味洗淨去麤皮焙乾等分搗羅為末溫酒服二錢錢療婦人血氣并五勞七傷婦人服忌羊血雞魚濕麵丈夫服無所忌之

密州剪刀草




圖經曰

剪刀草生江湖及京東近水河溝沙磧中味甘微苦寒無毒葉如剪刀形莖薹似嫩蒲又似三

稜苗甚軟其色深青綠每叢十餘莖內抽出一兩莖莖分枝開小白花四瓣藥深黃色根大者如杏小者如杏核色白而瑩滑五月六月七月採葉正月二月採根一名慈菰一名白地栗一名河鳧茨土人爛搗其莖葉如泥塗傳諸惡瘡腫及小兒遊癰丹毒以冷水調此草膏化如糊以雞羽掃上腫便消退其效殊佳根煮熟味甚甘甜時人作果子常食無毒福州別有一種小異三月生花四時採根葉亦治癰腫

施州龍牙草



圖經曰

龍牙草生施州株高二尺已來春夏有苗葉至秋冬而枯其根味辛溫無毒春夏採之洗淨

揀擇去蘆頭焙乾不計分兩搗羅為末用米飲調服一錢治赤白痢無所忌

秦州苦芥子




圖經曰

苦芥子生秦州苗長一尺已來枝葉青色如柳
開白花似榆莢其子黑色味苦大寒無毒明眼

目治血
風煩燥

施州野蘭根




圖經曰

野蘭根出施州叢生高二尺已來四時有葉無花其根味微苦性溫無毒採無時彼土人取此

半天回雞翁藤崖樓等四味洗淨去麁皮焙乾等分搗羅為末溫酒調服二錢錢療婦人血氣並五勞七傷婦

人服之忌雞魚濕麵羊血丈夫無所忌

施州都管草




圖經曰

都管草生施州及宜州田野味苦辟性寒主風癰腫毒赤疣以醋摩其根塗之亦治咽喉腫痛

切片含之立愈其根似羌活頭歲長一節高三尺許葉似土當歸有重臺生二月八月採根陰乾施州生者作蔓又名香毬蔓長丈餘赤色秋結紅實四時皆有採其根枝煎湯淋洗去風毒瘡腫

施州小兒羣




圖經曰

小兒羣生施州叢高一尺已來春夏生苗葉無花至冬而枯其根味辛性涼無毒採無時其土

人取此并左纏草二味洗淨焙乾等分擣羅為末每服一錢溫酒調下療淋疾無忌左纏草乃旋花根也

常州菩薩草




圖經曰

菩薩草生江浙州郡近京亦有之味苦無毒中諸藥食毒者酒研服之又治諸蟲蛇傷飲其汁

及研傳之良亦名尺二主婦人妊娠咳嗽搗篩蜜丸服之立效此草凌冬不凋秋中有花直出亦子似蒴頭冬月採根用

筠州仙人掌草




圖經曰

仙人掌草生合州筠州味微苦而澁無毒多於石壁上貼壁而生如人掌故以名之葉細而長

春生至冬猶青無時採彼土人與甘
草浸酒服治腸痔痢血不入衆藥便

施州紫背金盤草




圖經曰

紫背金盤草生施州苗高一尺已來葉背紫無花根味辛澁性熱無毒採無時土人單用此物

洗淨去麤皮焙乾搗羅溫酒調服半錢七婦人血氣能消胎氣孕婦不可服忌雞魚濕麵羊血

常州石逍遙草



圖經曰

石道遙草生常州味苦微寒無毒療癰瘕諸風手足不遂其草冬夏常有無花實生亦不多採

無時俗用搗為末煉蜜丸如梧桐子大酒服二十粒日二服百日差久服益血輕身初服微有頭疼無害

密州胡堇草



圖經曰

胡荽草生密州東武山田中味辛滑無毒主五臟榮衛肌肉皮膚中瘀血止疼痛散血殺汁塗

金瘡枝葉似小荳菜花紫色似翹軀花一枝七葉花出三兩莖春採苗依時搗篩與松枝乳香花桑柴炭亂髮灰同熬如彈丸大如有打撲損筋骨折傷及惡癰癰腫破以熱酒摩一彈丸服之其疼痛立止

秦州無心草




圖經曰

無心草生商州及秦州性溫無毒主積血逐氣塊益筋節補虛損潤顏色療辟洩腹痛三月開

花五月採實六七月採根苗陰乾用之

筠州十里光



圖

經曰

千里光生筠州淺山及路傍味苦甘寒無毒葉似菊葉而長枝葉圓而青背有毛春生苗秋生

莖葉有花黃色不結實花無用彼土人多與甘草煮作飲服退熱明目不入衆藥用

筠州九牛草



圖經曰

九牛草生筠州山崗上味微苦有小毒解風勞

治身體痛二月生苗獨莖高一尺葉似艾葉圓

而長背有白毛面青五月採
與甘草同煎服不入衆藥用

睦州刺虎



圖經曰刺虎生肢州味甘其葉凌冬不凋採無時彼上

服一錢匕理一
切腫痛風疾

菜瓜生州資



圖經曰

生瓜菜生資州平田陰畦間味甘微寒無毒治走疰攻頭面四肢及陽毒傷寒壯熱頭痛心神

煩躁利胃膈俗用搗自然汁飲之及生搗貼腫毒苗長三四寸作叢住葉青圓似白莧菜春生莖葉夏開紫白

花結黑細實其味作生瓜氣故以為名花實

福州建水草



圖經曰

建水草生福州其枯葉似桑四時常有彼土人取其葉焙乾碾末煖酒服治走瘧風

信州紫袍



圖經曰

紫袍生信州春深發生葉如苦益菜至五月
生花如金錢紫色彼方醫人用治咽喉口齒

高郵軍老鷓鴣眼晴草



圖經曰

老鵝眼暗草生江湖間味甘性溫無毒治風補益男子元氣婦人敗血七月採子其葉入醋細

研治小兒火焰丹消赤腫其根與木通胡荽煎湯服通利小便葉如茄子葉故名天茄子或云即漆姑草也漆姑即蜀羊泉已見本經人亦不能決識之

明州天花粉




圖經曰

天花粉生明州味苦寒主消渴身熱煩滿大熱補氣安神續絕傷除腸中固熱入疸身面黃

唇乾口燥短氣通月水止小便便利十一月十二月採根用


福州瓊田草



圖經曰

瓊田草生福州春生苗葉無花三月採根
葉焙乾土人用治風生搗羅蜜丸服之

福州石垂



圖經曰

石垂生福州山中三月有花四月採子焙乾生搗羅蜜丸彼人用治蠱毒甚佳

福州紫金牛




圖經曰

紫金牛生福州味辛葉如茶上綠下紫實圓紅如丹朱根微紫色八月採去心暴乾頗似巴戟

主時疾膈氣
去風痰用之

福州雞項草



圖經曰

雞項草生福州葉如紅花葉上有刺青色亦名
千針草根似小蘿蔔枝條直上三四月苗上生

紫花八月葉凋十月採根洗
焙乾碾羅為散服治下血


溜州拳參



圖經曰

拳參生淄州田野葉如羊蹄根似海鰕
黑色五月採彼土人搗末淋燎腫氣

威州根子



圖經曰 根子生威州山中味苦辛溫主心中結塊久積

氣攻臍下根入藥用採無時其苗葉花實並不

藥入


溜州杏參



圖經曰


杏參生淄州田野主腹臟風壅上氣欬嗽根似小菜根五月內採苗葉彼土人多用之

福州赤孫施



圖經曰 赤孫施生福州葉如浮萍草治婦人血結不通
四時常有採無時每用一手搗淨洗細研煖酒
之調服

臨江軍田母草



圖經曰

田母草生臨江軍性涼無花實二月採
根用主煩熱及小兒風熱用之尤効

饒州鐵線



圖經曰

鐵線生饒州味微苦無毒三月採根
陰乾彼土人用療風消腫毒有効


台州天壽根



圖經曰

天壽根出台州每歲土貢其性涼
甚治胃膈煩熱彼土人常用有效

天台山百藥祖



圖經曰

百藥祖生天台山中苗葉冬夏常壽
彼土人冬採其葉入藥治風有効


天台山黃寮郎



圖經曰

黃寮郎生天台山中苗葉冬夏常
青彼土人採其根入藥治風有効


天台山催風使



圖經曰

催風使生天台山中苗葉冬夏常青
彼土人秋採其葉入藥用治風有効

鄧州陰地厥




圖經曰

陰地廐生鄧州順陽縣內鄉山谷味甘微寒無毒主瘰癧腫毒風熱葉似青蒿莖青紫色花作

小穗微黃根似細辛七月採根苗用


天 台 千 里 急



圖經曰

千里急生天台山中春生苗秋有花彼
土人并其花葉採入藥用治眼有効


鼎州地芙蓉



圖經曰

地芙蓉生鼎州味辛平無毒花
主惡瘡葉以傳貼腫毒九月採

信州黃花



圖經曰

黃花子生信州春生青葉至三月而有花似
菜花黃色至秋中結實採無時療咽喉口齒

南恩州布里草



圖經曰

布里草生南恩州原野中味苦寒有小毒治皮膚瘡疥莖高三四尺葉似李而大至夏不花而

實食之令人瀉不拘時採根割取皮焙乾為末油和塗瘡疥殺蟲


福州香麻



圖經曰

香麻生福州四季常有苗葉而無花不拘
時月採之彼土人以煎作浴湯去風甚佳

宜州半邊山



圖經曰

半邊山生宜州溪澗味微苦平性寒主風熱上壅喉咽腫痛及項上風壅以酒摩服二月八月

九月採根其根壯似白朮而軟葉似苦蕒厚而光一名水若蕒一名謝婆菜

南恩州火炭母草




圖經曰

火炭母草生南恩州原野中味酸平無毒去皮
膚風熱流注骨節癰腫疼痛莖赤而柔似細蓼

葉端失近根方夏有白花秋實如菽青黑色味甘可食
不拘時採葉搗爛於瓦器中以鹽酒炒傳腫痛處經宿

易一

威勝軍亞麻子




圖經曰

亞麻子出兗州威勝軍味甘微溫無毒苗葉俱
青花白色八月上旬採其實用又名鷄麻治大

疾風

信州田麻



欽定四庫全書

證類本草

圖經曰

田麻生信州田野及溝澗傍春夏生青葉七月
八月中生小莢子冬三月採葉療癰瘡腫毒

信州鵝鳥威



圖經曰

鴉鳥威生信州山野中春生青藥至九月而有花如蓬蒿菜花淡黃色不結實療癰瘡腫毒採

時無


信州茆質汗



圖經曰

茆質汗生信州葉青花白七月
採彼土人以治風腫行血有効


江寧府地蜈蚣



圖經曰

地蜈蚣出江寧州村落間鄉人云水摩塗腫毒醫方鮮用

商州地胎子



圖經曰地茹子生商州味微辛溫有小毒主中風痰涎
麻痺下熱毒氣破堅積利膈消癰腫瘡癰散血

墮胎三月開花結子
五月六月採陰乾用

鼎州水麻




圖經曰

丈具石

蒜條下


鼎州金燈



圖經曰

文附石
蒜條下

黔州石蒜



圖經曰

水麻生鼎州味辛溫有小毒其根名石蒜主傳
貼腫毒九月採又名金燈花其根亦名石蒜或


云即此
類也

江寧府蓴麻



圖經曰 蕁麻生江寧府山野中村民云療蛇
毒然有大毒人誤服之吐利不止

衛州山薑




圖經曰

山薑生衛州味辛平有小毒去皮間風熱可作
淋喘湯又主暴冷及胃中逆冷霍亂腹痛開紫

花不結子八月採根用

秦州馬腸根




圖經曰

馬腸根生秦州味苦辛寒有毒主蟲除風五月
六月採根用其葉似桑性熱三月採以療瘡疥

本草圖經外木蔓類二十五種

施州大木皮



圖經曰

大木皮生施州其高下大小不定四時有葉無花其皮味苦澀性溫無毒採無時彼土人與苦

桃皮櫻桃皮三味各去麤皮淨洗焙乾等分搗羅酒調服一錢療一切熱毒氣服食無忌

施州崖梭




圖經曰

崖援生施州石崖上味甘辛性溫無毒苗高一尺已來四季有葉無花彼彼土醫人採根與半天

迴雞翁藤野蘭根等四味淨洗焙乾去麁皮等分搗羅溫酒調服二錢七療婦人血氣并五勞七傷婦人服忌

雞魚濕麵丈夫服無所忌

宜州鷺抱




圖經曰

驚抱生宜州山洞中味苦性寒主風熱上壅咽
喉腫痛及解蠻箭藥毒篩末以酒調服之有效

亦消風熱結毒赤腫用酒摩塗之立愈此種多生山林
中附石而生作蔓似大豆根形似菜菔大者如三升器

小者如拳二月八
月採根切片陰乾

施州雞翁藤



圖經曰

雞翁藤出施州其苗蔓延大木有葉無花味辛性溫無毒採無時彼土人與半天迴野蘭根崖

樓四味淨洗去麤皮焙乾等分搗羅為末每服二錢用溫酒調下療婦人血氣并五勞七傷婦人服忌雞魚濕

麵羊血文夫無忌


福州紫金藤



圖經曰

紫金藤生福州山中春初單生葉青色至冬凋落其藤似枯條採其皮晒乾為末治丈夫腎氣

施州獨用藤




圖經曰

獨用藤生施州四時有葉無花葉上有倒刺其皮味苦辛性熱無毒採無時彼土人取此并小

赤藥頭二味洗淨焙乾各等分搗羅為末溫酒調一錢療心氣痛

施州瓜藤




圖經曰

瓜藤生施州四時有葉無花其皮味甘性涼無毒採無時與刺猪零二味洗淨去麤皮焙乾等

分搗羅用甘草水調貼治諸熱毒惡瘡

施州金稜藤



欽定四庫全書


卷三十

圖經曰

金稜藤生施州四時有葉無花其皮味辛性溫無毒採無時與續筋馬接脚三味洗淨去麤皮

焙乾等分搗羅溫酒調服二錢七治筋骨疼痛無所忌

施州野豬尾



圖經曰

野豬尾生施州其苗纏木作藤生四時有菜無花味苦澀性涼無毒採無時彼上人取此并百

藥頭二味洗淨去麤皮焙乾等分搗羅為末溫酒調下一錢療心氣痛解熱毒

榮州烈節

欽定四庫全書

證類本草

九五




圖經曰

烈節生榮州多在休箐中生味辛溫無毒主肢節風冷筋脈急痛春生蔓苗莖葉俱似丁公藤

而纖細無花實九月採莖暴乾以作浴湯佳

宜州杜堇山




圖經曰

杜蘆山生宜州味苦性寒主溫瘴寒熱發散不
定煩渴頭疼心燥取其葉搗爛以新酒浸絞汁

服之吐出惡涎甚效其苗高四五尺葉似
苦蕒菜秋有花紫色實如枸杞子大而白


信州血藤



圖經曰

血藤生信州葉如萋蘭葉根如大枏指其
色黃五月採攻血治氣塊彼土人用之

福州土紅山



圖紅曰


土紅山生福州及南恩州山野中味甘微寒

無毒主骨節疼痛治勞熱瘴癘大者高七八尺

葉似枇杷而小無毛秋生白花如粟粒不實用其葉搗爛酒浸服之採無時福州生者作細藤似芙蓉葉其葉上青下白根如葛頭薄切用米泔浸一宿更用清水浸一宿取出炒令黃色搗末每服一錢水一盞生薑一小片同煎服治

勞瘴甚佳


天 台 百 稜 藤



圖經曰

百稜藤生天台春生苗蔓延木上無花葉
冬採皮入藥治盜汗彼土人用之有效


台州祁婆藤



圖經曰

祁婆藤生天台山中其苗蔓延木上四時常有彼土人採其葉入藥治風有效


台州含青藤



圖經曰

倉春藤生台州其苗蔓延木上冬夏
常青彼土人採其葉入藥治風有效

台州清風藤



圖經曰

清風藤生天台山中其苗蔓延木上四時常有彼土人採其葉入藥治風有效

江州七星草




圖經曰

七星草生江州山谷石上味微酸葉如柳而長作藤蔓延長二三尺其葉取硬背上有黃點如

七星採無時入
鳥髭髮藥用之


台州石南藤



圖經曰

石南藤生天台山中其苗蔓延木上四
時不凋彼土人採其葉入藥治腰痛

施州石合草




圖經曰

石合草生施州其苗纏木作藤四時有葉無花其葉味甘性涼無毒採無時焙乾搗羅為末溫

水調貼治一切惡瘡腫及斂瘡口

施州馬節脚



圖經曰

馬節脚生施州作林大小不常四時有葉無花其皮味甘性溫無毒採無時彼土人取比并續

筋金稜藤三味洗淨去麤皮焙乾等分搗羅為末溫酒調服一錢治筋骨疼痛續筋即蓄旋根也

溜州芥心草



圖經曰

芥心草生淄州初生似臘謨草引蔓白色根黃色四月採苗藥彼土人搗末治瘡疥甚效

子 毬 棠 州 滁




圖經曰

棠棣子生滁州三月開白花隨便結實其味酸而澁採無時彼土人用治痢疾及腰疼皆效他

處亦有而不入藥用

印州醋林子



圖經曰

醋林子出邛州山野林箐中其木高大餘枝條紫茂三月開花色白四出九月十月結子累累

數十枚成孕生青熟赤畧類櫻桃而蒂短味酸性溫無毒善療蛇蛟心痛及痔漏下血并久痢不差尤治小兒疳蚘蛟心腹脹滿黃瘦下寸白蟲單搗為末酒調一錢七服之甚效又土人多以鹽醋收藏以充果子食之生津液醒酒止渴不可多食令人口舌麤折及熟採之陰乾和核同用其葉味酸夷僚人採得入鹽和魚鱠食之醋勝也用也

臨江軍天仙藤



圖經曰

天仙藤生江淮及浙東山中味苦溫微毒解風

勞得麻黃則治傷寒發汗與大黃同服墮胎氣

春生苗蔓延作藤葉似葛藥圓而小有毛白色四

時不凋根有鬚夏月採取根苗南人用之最多

有名未用總一百九十四種

二十六種玉石類

青玉味甘平無毒主婦人無子輕身不老長年一名穀

玉生藍田

陶隱居云張華云合玉漿用穀玉正縹白色不夾石者大如升小如雞子取穴中者非今

作器物玉也出襄鄉縣售穴中黃初中詔征南將軍夏侯尚求之

白玉髓味甘平無毒主婦人無子不老延年生藍田玉

石間玉英味甘主風癢皮膚痒一名石鏡明白可作鏡

生山竅十二月採

璧玉味甘無毒主明目益氣使人多精生子

合玉石味甘無毒主益氣療消渴輕身辟穀生常山中
丘如梘肪

紫石華味甘平無毒主渴去小腸熱一名茈石華生中
牛山陰採無時

白石華味辛無毒主痺消渴膀胱熱生液北鄉北邑山
採無時

黑石華味甘無毒主陰痿消渴去熱療月水不利生弗

其勞山陰石間採無時

黃石華味甘無毒主陰痿消渴膈中熱去百毒生液北
山黃色採無時

厲石華味甘無毒主益氣養神止渴除熱強陰生江南
如石花採無時

石肺味辛無毒主癘欬寒久痿益氣明目生水申狀如

肺黑澤有赤文出水即乾

陶隱居云今浮石亦療欬似肺而不黑澤恐非是

石肝味酸無毒主身痒令人色美生常山色如肝

石脾味甘無毒主胃寒熱益氣令人有子一名胃石一名膏石一名消石生隱蕃山谷石間黑如大豆有赤文色微黃而輕薄如碁子採無時

石腎味鹹無毒主洩痢色如白珠

封石味甘無毒主消渴熱中女子疽蝕生常山及少室採無時

澤陵石味甘無毒主益氣耐寒輕身長年生華山其形薄

碧石青味甘無毒主明目益精去白癍音癖延年

遂石味甘無毒主消渴傷中益氣生太山陰採無時

白肌石味辛無毒主強筋骨止渴不飢陰熱不足一名

肌石一名洞石生廣焦國音權卷山青石間龍石膏無毒

主消渴益壽生杜陵如鐵脂中黃

五羽石主輕身長年一名金黃生海水中蓬葭山上倉

中黃如金

石流青味酸無毒主療洩益肝氣明目輕身長年生武

都山石間青白色

石流赤味苦無毒主婦人帶下止血輕身長年理如石

耆生山石間

陶隱居云芝品中有石流丹又有石中黃子

石耆味甘無毒主欬逆氣生石間色赤如鐵脂四月採

紫佳石味酸主痺血氣一名赤英一名石血赤無毒生

邯鄲山如爵茈二月採

陶隱居云三十六水方呼為紫賀石

終石味辛無毒主陰痿痺小便難益精氣生陵陰採無

時

一百三十二種草木類

玉伯味酸溫無毒主輕身益氣止渴一名玉遂生石上

如松高五六寸紫花用莖葉

臣禹錫等謹按陳藏器云今之石松生石上高一二

尺山人取根莖漫酒去風血除風瘡宜老伯應是栢字傳寫有誤

文石味甘主寒熱心煩一名忝石生東郡山澤中水下
五色有汁潤澤

曼諸石味甘主益五藏氣輕身長年一名陰精六月七
月出石上青黃色夜有光

山慈石味甘平無毒主女子帶下一名爰此生山之陽

正月生葉如藜蘆莖有衣石濡主明目益精氣今人不

飢渴輕身長年一名石芥

臣禹錫等謹按陳藏器云生石之陰如屋遊垣衣之類得

雨即展故名石需早春青翠端開四葉山人名石芥生令月日不飢渴

石芸味甘無毒主目痛淋露寒熱溢血一名螫烈一名

顧啄三月五月採莖葉陰乾

臣禹錫等謹按爾雅云勃郭注云一名石芸

石劇味甘無毒主渴消中

路石味甘酸無毒主心腹止汗生肌酒痂益氣耐寒實

骨髓一名陵石生草石上天雨獨乾日出獨濡花黃莖赤黑三歲一實赤如麻子五月十月採莖葉陰乾

曠石味甘平無毒主益氣養神除熱止渴生江南如石草

敗石味苦無毒主渴痺

越砥音旨味甘無毒主目育止痛除熱瘡

陶隱居云今細礪石出臨平者

臣禹錫等謹按蜀本主云今據此在草本類中恐非細礪石也

金莖味苦平無毒主金瘡內漏一名葉金草生澤中高

處

夏薑味甘主百疾濟絕氣

陶隱居云此藥乃爾神奇而不復識用可恨也

紫葳味苦主小腹痛利小腹破積聚長肌肉久服輕身

長年生寃句二月七月採

鬼目味酸平無毒主明目一名來甘實赤如五味十月

採

陶隱居云俗人今呼白草子亦為鬼目此乃相似也臣禹錫等謹按陳藏器一名排風一名白幕爾雅云

符鬼目注云葉似

葛子如耳鐺赤色

鬼蓋味甘平無毒主小兒寒熱癰一名地蓋生垣墻下

叢生赤旱生暮死

臣陶隱居云一名朝生疑是今鬼繖也

鬼屋如菌生陰濕處蓋黑莖赤和醋傳腫毒馬脊腫人惡瘡杜正倫云鬼繖夏日得雨聚生糞堆見日消黑此

物有小毒

馬顛味甘有毒療浮腫不可多食

馬唐味甘寒主調中明目一名羊麻一名羊粟生下

濕地莖有節生根五月採

臣禹錫等謹按陳藏器云生南中廢稻田中節節有根著

土如結縷草堪銅馬云馬食如糖故曰馬糖煎取汁明目潤肺爾雅云馬糖馬飯也

馬蓬味辛無毒主癰蟲

牛舌實味鹹溫無毒主輕身益氣一名彖尸生水巾澤

傍實大葉長尺五月採

臣禹錫等謹按陳藏器云今東土人呼田水中大葉如牛耳亦

呼為牛耳菜

羊乳味甘溫無毒主頭眩痛益氣長肌肉一名地黃三

月採立夏後毋死

臣禹錫等謹按陳藏器云羊乳根似薺茈而圓大小如拳上有角節部之

有白汁人取根當薺茈三月採苗竹蔓折有白汁

羊實味苦寒主頭禿惡瘡疥癬癰瘕

音生蜀郡

犀洛味甘無毒主癰一名星洛一名沉洛

鹿良味鹹臭主小兒驚癇貫脉痢瘕大人瘞五月採
芡棗味酸無毒主輕身益氣生丹陽陵地高尺許實如
棗

雀梅味酸寒有毒主蝕惡瘡一名千雀生海水石谷間

陶隱居云葉與
實俱如麥李

雀翹味鹹主益氣明目一名去母一名更生生藍中葉

細黃莖赤有刺四月實音銳黃中黑五月採陰乾

雞涅味甘平無毒主明目中寒風諸不足水腫邪氣補

中止洩痢療女子白沃一名陰洛生雞山採無時

相烏味苦主陰痿一名烏葵如蘭香赤莖生山陽五月十五日採陰乾

鼠耳味酸無毒主痺寒寒熱止欬一名無心生田中下地厚葉肥莖

蛇舌味酸平無毒主除留血驚氣蛇癰生大水之陽四月採花八月採根

龍常草味鹹溫無毒主輕身益陰氣療痺寒濕生河水

傍如龍菊冬夏生

離樓草味鹹平無毒主益氣力多子輕身長年生常山

七月八月採實

神護草可使獨守叱咤人寇盜不敢入門生常山北八

月採

陶隱居云此一奇草計彼人猶應識用之

黃護草無毒主痺益氣令人嗜食生隴西

吳唐草味甘平無毒主輕身益氣長年生故稻田中日

夜有光草中有膏

天雄草味甘溫無毒主益氣陰痿生山澤中狀如蘭實如大豆赤色

雀醫草味苦無毒主輕身益氣洗浴爛瘡療風水一名白氣春生秋花白冬實黑

本甘草主療癰腫盛熱煮洗之生木間三月生大葉如蛇狀四相值但折枝種之便生五月花白實核赤三月三日採

益決草味辛溫無毒主欬肺傷生山陰根如細辛

九熟草味甘溫無毒主出汗止洩療悶一名烏粟一名

雀粟生人家庭中葉如棗一歲九熟七月採

陶隱居云今不見有

此

兗草味酸平無毒主輕身益氣長年生蔓草木上葉黃

有毛冬生

酸草主輕身延年生名山醴泉上陰居莖有五葉青澤

根赤黃可以消玉一名醜草

陶隱居云李云是今酸箕布地生者今處處有然恐

也非

異草味甘無毒主痿痺寒熱去黑子生籬木上葉如葵

莖傍有角汁白

灌草葉主癰腫一名鼠肝葉滑清白

葩起音草味辛無毒主傷金瘡

葶草味甘無毒主盛傷痺腫生山澤如蒲黃葉如芥

勒草味甘無毒主瘀血止精益盛氣一名黑草生山谷

如栝樓

陶隱居云疑此猶是薰草兩字皆相似一誤爾而栝樓為殊矣

英草華味辛平無毒主痺氣強陰療面勞疸解煩堅筋

骨療風頭可作沐藥生蔓木上一名鹿英九月採陰乾

吳葵華味鹹無毒主理心氣不足

封華味甘有毒主疥瘡養肌去惡肉夏至日採

悞他典切華味甘無毒主上氣解煩堅筋骨

排華味苦主水氣去赤蟲令人好色不可久服春生乃

採臣禹錫等謹按陳藏器云排音斐樹似杉子如檳榔食之肥美主痔殺蟲春華並與本經相會本經蟲部

云彼子蘓注云彼字合從木爾雅云彼一名排陶復於果部重出排此即是其華也

節華味苦無毒主傷中痿痺溢腫皮主脾中客熱氣一

名山節一名達節一名通漆十月採暴乾

徐李主益氣輕身長年生太山陰如李小形實青色無核熟採食之

新雉木味苦香溫無毒主風眩痛可作沐藥七月採陰乾實如桃

合新木味平平無毒解心煩止瘡痛生遼東

俳蒲木味甘平無毒主少氣止煩生陵谷葉如柰實赤三核

遂陽木味甘無毒主益氣生山中如白楊葉三月實十月熟赤可食

學木核味甘寒無毒主脅下留飲胃氣不平除熱如蕤核五月採陰乾

木核療腸澼○華療不足○子療傷中○根療心腹逆氣止渴十月採

枸音苟核味苦療水身面癰腫五月採

荻皮味苦止消渴去白蟲益氣生江南如松葉有別刺

實赤黃十月採

桑莖實味酸溫無毒主孕乳餘疾輕身益氣一名草王
葉如荏方莖大葉生園中十月採

滿陰實味酸平無毒主益氣除熱止渴利小便輕身長
年生深山谷及園中莖如芥葉小實如櫻桃七月成

可聚實味甘溫無毒主輕身益氣明目一名長壽生山
野道中穗如麥葉如艾五月採

讓實味酸主喉痺止洩痢十月採陰乾

蕙實味辛主明目補中○根莖中涕療傷寒熱出汗中

風面腫消渴熱中逐水生魯山平澤

臣禹錫等謹按陳藏器云五月收味

辛香明目正氣
是蘭蕙之蕙

青雌味苦主惡瘡禿敗瘡火氣殺三蟲一名蟲損一名

孟推生方山山谷

白背味苦平無毒主寒熱洗浴疥惡瘡生山陵根似紫

葳葉如燕廬採無時

白女腸味辛溫無毒主洩痢腸澼療心痛破疔瘕生深

山谷中葉如藍實赤赤女腸亦同

白扇根味苦寒無毒主瘡皮膚寒熱出汗令人變

白給味辛平無毒主伏蟲白癰音腫痛生山谷如藜蘆

根白相連九月採

白并味苦無毒主肺欬上氣行五藏令百病不起一名

玉簫一名箭悍葉如小竹根黃皮白生山陵三月四月

採根暴乾

白辛味辛有毒主寒熱一名脫尾一名羊草生楚山三

月採根白而香

白菖味甘無毒主食諸蟲一名水昌一名水宿一名莖

蒲十月採

臣禹錫等謹按陳藏器云白昌即今之溪蓀也一名昌陽生水畔人亦呼為昌蒲與石上

菖蒲却別大而臭者是一名水菖蒲根色玉白去蚤蟲

赤舉味甘無毒主腹痛一名羊飴一名陵渴生山陰二

月花兌

音銳

蔓草上五月實黑中有核三月三日採葉陰

乾

赤涅味甘無毒主疰崩中止血益氣生蜀郡山石陰地

濕處採無時

黃林味苦無毒主心煩止汗出生如桐根

徐黃味辛平無毒主心腹積癥莖主惡瘡生澤中大莖

細葉香如藁本

黃白支生山陵三月四月採根暴乾

紫藍味鹹無毒主食肉得毒能消除之

紫給味鹹主毒風頭洩注一名野葵生高陵下地三月

三日採根根如烏頭

天蓼味辛有毒主惡瘡去痺氣一名石龍生水中

臣禹錫等

謹按陳藏器云即今之水
茈一名遊龍亦名大蓼

地蛄味苦平無毒主心氣女子陰疝血結一名承夜一

名夜光三月採

臣禹錫等謹按陳藏器云地蛄一名地
錦一名地喋葉光淨露下有光蔓生節

地節著

地芩味苦無毒主小兒癇除邪養胎風痺洗洗寒熱目

中青醫女子帶下生腐木積草處如朝生天雨生葢黃

白色四月採之

地筋味甘平無毒主益氣止渴除熱在腹臍利筋一名

管根一名土筋生澤中根有毛三月生四月實白三月

三日採根

陶隱居云猶是白茅而小異也臣禹錫等謹按陳藏器云地筋如地黄根葉並相似而細

多毛生平澤功用亦同地黄李邕方用之

地耳味甘無毒主明目益氣令人有子生丘陵如碧石

青

土齒味甘平無毒主輕身益氣長年生山陵地中狀如

馬牙

燕齒主小兒癰寒熱五月五日採

酸惡主惡瘡去白蟲生水傍狀如澤瀉

酸赭味酸主內漏止血不足生昌陽山採無時

巴棘味苦有毒主惡疥瘡出蟲一名女木生高地葉白
有刺根連數十枚

巴朱味甘無毒主寒止血帶下生雒陽

蜀格味苦平無毒主寒熱痿痺女子帶下癰腫生山陽
如藿菌有刺

累根主緩筋令不痛

臣禹錫等謹按陳藏器云苗如豆爾雅云攝虎累注云江東呼藥為

藤似葛而虛大今武豆也英有毛一名巨荒千歲藥是也

苗根味鹹平無毒主痺及熱中傷跌折生山陰谷中蔓

草木上莖有刺實如椒

臣禹錫等謹按陳藏器云茜字從西與苗字相似人寫誤為茜

此即茜也

參果根味苦有毒主鼠瘻一名百連一名烏蓼一名鼠

莖一名鹿蒲生百餘根根有衣裹莖三月三日採根

黃辯味甘平無毒主心腹疝瘕口瘡臍傷一名經辯

良達主齒痛止渴輕身生山陰莖蔓延大如葵子滑小
對廬味苦寒無毒主疥諸瘡久不瘳生死肌除大熱煮
洗之八月採似菴藷

冀藍味苦主身痒瘡白禿漆瘡洗之生房陵

委音威蛇音貽味甘平無毒主消渴少氣令人耐寒生人家

園中大枝長鬚多葉而兩兩相值子如芥子

麻伯味酸無毒主益氣出汗一名君莒一名衍草一名
道止一名自死生平陵如蘭葉黑厚白裏莖實赤黑九

月採根

王明味苦主身熱邪氣小兒身熱以浴之生山谷一名
王草

類鼻味酸溫無毒主痿痺一名類重生田中高地葉如

天名精美根五月採

臣禹錫等謹按蜀本云可煮以洗病

師系味甘無毒主癰腫惡瘡煮洗之一名臣堯一名臣

骨一名鬼芭生平澤八月採

逐折殺鼠益氣明目一名百合厚實生木間莖黃七月

實黑如大豆

陶隱居又云杜仲子亦名逐折

并苦主欬逆上氣益肺氣安五藏一名葳或音薰一名玉

荊三月採陰乾

父陞根味辛有毒以熨癰腫膚脹一名膏魚一名梓藻

索干味苦無毒主易耳一名馬耳

荊莖療灼爛八月十月採陰乾

臣禹錫等謹按陳藏器云即今之荆想也炙汁

堪染其光灼瘡法熱焮瘡有効

鬼麗

音麗

生石上按

奴和切

之日柔為沐

竹付味甘無毒主止除血

秘惡味酸無毒主療肝邪氣一名杜逢

唐夷味苦無毒主療痿折

知叔味甘無毒療疰

生音地松味辛無毒主眩痺

河前味酸主結氣癰在喉頸者生海中八月九月採

區余味辛無毒主心腹熱癢

臣禹錫等謹按蜀本作癢

三葉味辛主寒熱蛇蜂螫人一名起莫

臣禹錫等謹按蜀本一名赴魚

一名三石一名當田生田中莖小黑白高三尺根黑三月採陰乾

五母麻味苦有毒主痿痺不便下痢一名鹿麻一名歸

澤麻一名天麻一名若一草

臣禹錫等謹按蜀本無一字

生田野五

月採

疥拍腹味平溫無毒主輕身療痺五月採陰乾

常吏之生

臣禹錫等謹按蜀本云常吏之生

味苦平無毒主明目實有

刺大如稻梁

救救人者味甘有毒主疝痺通氣諸不足生人家宮室
五月十月採暴乾

丁公寄味甘主金瘡痛延年一名丁父生石間蔓延木

上葉細大枝赤莖母大如磧黃有汁七月七日採

臣禹錫等

謹按陳藏器云丁公寄即丁公藤也

城裏赤柱味辛平療婦人漏血白沃陰蝕濕痺邪氣補
中益氣生晉平陽

城東腐木味鹹溫主心腹痛止洩便濃血

臣禹錫等謹按陳藏器云

城東腐木即今之城東古木在土中一名地至主心腹
痛鬼氣城東者猶取東牆之土也杜正倫方云古城任
木煑湯服至難
產此即其類也

芥味苦寒無毒主消渴止血婦人除痺一名梨葉如大
青

載味酸無毒主諸惡氣

慶味苦無毒主欬嗽

裸戶瓦切味甘無毒主益氣延年生山谷中白順理十月採

一十五種蟲類

雄黃蟲主明目辟兵不祥益氣力狀如蠟螬

天社蟲味甘無毒主絕孕益氣如蜂大腰食草木葉三月採

桑蠹蟲味甘無毒主心暴痛金瘡肉主不足臣禹錫等謹按陳藏

器云桑蠹去氣排蠹辟鬼皆隨所出而各有功又主小兒乳霍

桑蠹蟲主石瘡小便不利生石中臣禹錫等謹按陳藏器云伊洛間水底石

下有蟲如蠶解放絲連綴小石如繭春夏羽化作小蛾水上飛一名石下新

行夜療腹痛寒熱利血一名負盤陶隱居云今小兒呼氣踏盤或曰氣蠶音

煩蟲者也臣禹錫等謹按陳藏器云氣蠶蟲一名負盤蟲一名夜行蜚蠊又名負盤雖則相似絲非一物或人

食之味及辛辣氣盤蟲有短翅
飛不遠好夜中行觸之氣出也

蝸籬味甘無毒主燭館明目生江夏

臣禹錫等謹按陳藏器云一名蛸螺

小於田螺上有稜生溪水中
寒亦主明白下水亦呼為螺

麋魚味甘無毒主瘡止血

丹戩味辛主心腹積血一名飛龍生蜀都如鼠負青股

蜚頭赤七月七日採

扁前味甘有毒主鼠癰瘡利水道生山陵如牛蚤翼赤

五月八月採

蛭類療痺內漏一名蛭短土色而文

蜚厲主婦人寒熱

梗鷄味甘無毒療痺

益符療閉一名無舌

地防令人不飢不渴生黃陵如濡居土中

黃蟲味苦療寒熱生地上赤頭長足有角羣居七月七

日採

唐本退二十種

六種神農本草經一
十四種名醫別錄

薰草味甘平無毒主明目止淚療洩精去臭惡氣傷寒

頭痛止氣腰痛一名蕙草生下濕地三月採陰乾脫節

者良

陶隱居云俗人呼薰草狀如茅而香者為薰草人家頗種之藥錄云葉如麻兩兩相對山海經云薰

草麻葉而方莖赤花而黑實氣如薜蘿可以已厲今市人皆用薰草此則非今詩書家多用蕙諸而竟不知是何草尚其名而迷其實皆此類也臣禹錫等謹按藥性論云薰草亦可單用味苦無毒能治鼻中息肉鼻鼾主泄精陳藏器云薰即蕙根此即是零陵香一名薰草

姑活味甘溫無毒主大風邪氣濕痺寒痛久服輕身益

壽耐老一名冬葵子生河東

陶隱居云方藥赤無用此者乃有固活丸即是野葛

一名爾此又名冬葵子非葵菜之冬葵子
療體中異唐太注云別錄一名雞精也

別羈味苦微溫無毒主風寒濕痺身重四肢疼酸寒歷
節痛一名別枝一名別騎一名鼈羈生藍田川谷二月

八月採

陶隱居云方家時有
用處今俗亦絕爾

牡蒿味苦溫無毒主充肌膚益氣令人暴肥不可久服

血脉滿盛生田野五月八月採

陶隱居云方藥不復用
謹本注云齊頭蒿也所

在有之葉似防
風細薄無光澤

石下長卿味鹹平有毒主鬼疰精物邪惡氣殺百精蠱

毒老魅注易亡走啼哭悲傷恍惚一名徐長卿生隴西

池澤山谷

陶隱居云此又名徐長卿恐是誤爾方家無用此處俗中皆不復識也

麝

俱倫切

舌味辛微溫無毒主霍亂腹痛吐逆心煩生水

中五月採

陶隱居云生小小水中今人五月五日採乾以療霍亂良也

練石草味苦寒無毒主五瘡破石淋膀胱中結氣利水

道小便生南陽川澤

陶隱居云一名爛石草又云即馬矢蒿

戈共味苦寒無毒主驚氣傷寒腹痛羸瘦皮中有邪氣

手足寒無色生益州山谷

惡主禮蜚蠊

葦

音譚

草味鹹平無毒主養心氣除心溫溫辛痛浸淫身

熱可作鹽生淮南平澤七月採

礬石為之使臣禹錫等謹按藥性論云葦草亦

可單用味苦無毒主遍生風瘡壯熱理石為之使

五色符味苦微溫主欬逆五藏邪氣調中益氣明目殺

蟲青符白符赤符黑符黃符各隨色補其藏白符一名

女木生巴郡山谷

陶隱居云方藥皆不復用今人並無識者臣禹錫等謹按吳氏云五色名

脂一名青赤黃白黑符

藁

音衰

草味甘苦寒無毒主溫瘡寒熱酸嘶邪氣辟不祥

生淮南山谷

翹根味甘寒平有小毒主下熱氣益陰精令人面悅好
明目久服輕身耐老以作蒸飲酒病人生嵩高平澤二

月八月採

陶隱居云方藥不復用常無識者

鼠姑味苦平寒無毒主欬逆上氣寒熱鼠癭惡瘡和氣

一名臙音雪生丹水

陶隱居云今人不識此鼠姑乃牡丹又名鼠姑罔知孰是

船虹味酸無毒主下氣止煩滿可作浴湯藥色黃生蜀

郡立秋取

陶隱居云方藥不用俗人無識者

屈草味苦微寒無毒主胃脅下痛邪氣腸間寒熱陰痺
久服輕身益氣耐老生漢中川澤五月採

陶隱居云方藥不復用俗

無識者

赤赫味苦寒有毒主痂瘍惡敗瘡除三蟲邪氣生益州

川谷二月八月採

淮木味苦平無毒主久欬上氣傷中虛羸補中益氣女

子陰蝕漏下赤白沃一名百歲城中木生晉陽平澤

陶隱

居云方藥亦不復用

占斯味苦溫無毒主邪氣濕痺寒熱疸瘡除水堅積血

癥月閉無子小兒疳不能行諸惡瘡癰腫止腹痛令女

人有子一名炭皮生太山山谷採無時

陶隱居云解狼毒李云是樟樹

上寄生樹大銜枝在肌肉今人皆以胡桃皮當之非是真也按桐君錄云生上洛是木皮狀如厚朴色似桂白其理一縱一橫今市人皆削乃是厚朴而無正縱橫理不知此復是何物莫測真假何者為是也臣禹錫等謹按藥性論木占斯巨味辛平無毒能治血癥通利小水主脾熱茱萸為之使主先手足水關瘡

嬰桃味辛平無毒主止洩腸避除熱調中益脾氣令人好

色美志一名牛桃一名英豆實大如麥多毛四月採陰

乾陶隱居云此非今果實櫻桃形乃相似而
實垂異山間乃時有方藥亦不復用爾

鴆直蔭切鳥毛有大毒入五藏爛殺人其口主殺蝮蛇毒

一名鴆音運日生南海陶隱居云此乃是兩種鴆鳥狀如

廣深山中鴆日鳥狀如黑鶩鷄其共禁大朽樹令反覓
蛇吞之作聲似云同力故江東人呼為同力鳥並取蛇

人誤食其肉立即死鴆鳥羽不可近人而並療蛇毒帶
鴆喙亦辟蛇昔時皆用鴆毛為毒酒故名鴆酒頃來不

復尔又云有物赤色狀如龍名海薑生海中亦大有毒
甚於鴆羽也唐本注云此鳥商州以南江嶺間大有人

皆諳識其肉腥有毒亦不堪噉云羽畫酒殺人此是浪
證按玉篇引郭璞云鴆鳥大如鵬長頸赤喙食蛇又說

文廣雅淮南子皆一名運日鴆運同也問交廣人並云
鴆日一名鴆鳥一名同力鴆日鳥外更無如孔雀者陶

云如孔雀者
交廣人誑也

今新退一種

彼子味甘溫有毒主腹中邪氣去三蟲蛇螫蠱毒鬼疰


伏尺生永昌山谷

陶隱居云方家從來無用此者古今諸醫及藥家子不復識又一名羅子

不知其形何類也唐本注云此彼字當木傍作皮披仍音披木實也誤入蠱部爾雅云披一名杉葉似杉木如

栢肌軟子名樞子陶於木部出之此條宜在果部中也今注陶隱居不識唐本注以為樞實今傍木部下品自有

樞實一條而披子又在蟲魚部中雖同出永昌而主療稍別古今未辨兩注不明今移入於此卷末以俟識者



證類本草卷三十